

OKÉ TAKE AWAY

**NOS SPECIAL
CUMIMDA
CRIOYO**

746-3571



**E PROYECTO DI
INNOVACION
DI EDUTECH TA
HACIENDO UN
DIFERENCIA
GRANDI DEN
ENSEÑANSA**



WWW.SOLODIPUEBLO.COM



SOLODIPUEBLO@GMAIL.COM

PARLAMENTARIO HENDRIK TEVREDEN TA EXIGI UN DISCULPA PUBLICO DI PARLAMENTARIO ARTHUR DOWERS DI AVP

**"Na un manera baho y sin nivel el a
yama Minister di Finanzas pa bestia"**



**Hues no ta haya e chofer culpable di a causa
morto di e victima**

CHAUFFEUR CU A DAL MUCHA MATA CU AUTO CONDENA NA TRABAO PA COMUNIDAD

**MOTOCICLISTA
HIBANDO 2 MUCHA
SCHOOL RIBA
SCOOTER A SLIP
DAL ABAO Y E
2 MUCHANAN A
RESULTA HERIDA**



GOBIERNO HULANDES MESTER TENE NA CUENTA OPINION DI EERSTE KAMER

Mayoria di Eerste Kamer a pidi Van Huffelen pa "hasi cos drechi"

Recientemente tin un mayoria den Eerste Kamer cu a pidi Gobierno di Hulanda pa "hasi cos drechi" pa Aruba, pasobra Hulanda tin un relacion cu Aruba!

Esaki parce a cay den mal tera cerca algun looser na Aruba, cu solamente ta pidi pa cos malo sosode.

Nan ta graba tur sorto di video y skirbi algun corant, yena cu negativismo.

Awor nan kier bagatalisa e desicion di Eerste Kamer, pasobra nan no por kere cu Evelyn a logra convence Eerste Kamer cu Aruba merece un mihor trato.

Cu e decision di Eerste Kamer, Gobierno Hulandes mester tuma esey na cuenta.

Ta obvio cu Marisol, Miguel y algun mas ta traha pa Hulanda enbes di lucha pa Aruba.



A ENCONTRA VET DEN POMP NA PALM BEACH CU A PEGA AWA DI RIOOL

y paña den riool na Monserat cu a tranca awa



Dow a informa cu durante mantencion regularnan di e pomp na Palm Beach a bin encontra vet “fresco”. Esaki ta causa cu e pompgemaal ta pega y awa di riool ta bin halto na Palm Beach, especificamente dilanti Riu Hotel.

Mesora nos a mobilisa team di DOW pa haciele limpi y asina evita cu awa bin halto. Dow ta pidi un biaha mas, mas cooperacion di

tur e negoshinan den e vecindario pa no tira vet of otro articulo prohibi den e sistema di riolering.

Tambe ayera DOW a encontra un situacion cu awa di riool a bay over na Monserat. DOW a mobilisa su team y akinan a bin encontra paña cu ta pega den e sistema di riolering.

MOTOCICLISTA HIBANDO 2 MUCHA SCHOOL RIBA SCOOTER A SLIP DAL ABAO Y E 2 MUCHANAN A RESULTA HERIDA



Diaranson mainta a drenta informe di un incidente cu mucha herida na Cantaloupestraat, mesora a dirigi tanto polis como ambulans na e sitio.

Na yegada di e patruya a bin compronde cu 2 mucha tabata ser hiba pa school riba un scooter y esaki a slip y e muchanan a dal abao y herida nan mes.

Na yegada di e ambulans nan a atende ambos mucha y a transporta nan



**OPENBAAR
MINISTERIE
ARUBA**

Corte di Prome Instancia 16 november 2023

Horario	Sospechoso	Acto Castigabel
14.00	D.N.T.I.	Pro forma. I. ta wordo acusa di abuso sexual di un persona menor di edad entre januari y augustus 2021. E ta wordo acusa di a plama imagennan pornografico infantil den e periodo di januari 2021 te 28 di juli 2023.
14.00	D.H.J.H.	Pro forma. H. ta wordo acusa di abuso sexual di un persona menor di edad entre april 2023 te 30 di juli 2023. E ta wordo acusa di a resisti detencion riba 30 di juli 2023 y di a herida dos agente policial.

Parlamentario Hendrik Tevreden ta exigi un disculpa publico di Parlamentario Arthur Dowers di AVP

"NA UN MANERA BAHÓ Y SIN NIVEL EL A YAMA MINISTER DI FINANZAS PA BESTIA"

Aruba 16 di november 2023: Lider di Fraccion di MEP, Hendrik Tevreden durante rueda di prensa di diaranson mainta a reacciona riba Parlamentario di Fraccion di AVP, Arthur Dowers, kende den un forma baho a insulta Minister di Finanzas Xiomara Maduro door di su discurso durante un encuentro na Hulanda riba abolicion di esclavitud y e trato cu Aruba ta hayando for di Hulanda.

El a bisa cu Parlamento di Aruba hopi biaha a vocifera su opinion ariba e tema aki di abolicion y cu Hulanda mester ta mas sincero den momento cu ta trata na pidi disculpa na e islanan, principalmente ora ta mira con Hulanda a bin ta trata y negocia cu gobierno di Corsou, pero tambe cu gobierno di pais Aruba.

Tevreden a bolbe enfatisa e hecho cu Aruba a haya un 'strafrente' cu alfinal lo resulta den mas o menos Afl. 300 miyon extra cu tin di bay paga pasobra Aruba ta bringa pa mantene su autonomia financiero, como Gobierno, Parlamento, y como Pais.

Minister di Finanzas a haci un apelacion profundo na e sala na momento di su discurso, pero tambe na henter Reino Hulandes cu a sigi esaki, pa ban reflexiona con nos ta trata cu otro den Reino y Hendrik Tevreden a señala cu esaki a cay den bon tera cerca hopi. Comentarionan di por ehempel, John Leerdam, cu ta encarga cu e museo pa loke ta abolicion di esclavitud den Reino, a indica cu Minister di Finanzas a bisa locual cu hopi hende ta pensa y el a trec'e di un manera hopi diplomatico y corecto.

"E mensahe aki, nos di Parlamento, sigur, tabata warda pa basta tempo pa scucha di parti di Gobierno y nos ta haya lastima y ta condena e expresionnan di Sr. Dowers pa uno, yama Minister di Finanzas publicamente den un entrevista na radio, como bestia y bisa tambe cu e discurso cu Minister di Finanzas a hiba na Hulanda ariba e tematica di abolicion di esclavitud y e trato cu nos ta ricibi den Reino, ta un discurso di papia coy bestia", Parlamentario Tevreden a declara.

Relaciona cu e insulto aki, Parlamentario Tevreden ta opina cu sr. Dowers a crusa e liña y ta mirando cu ya for di basta tempo su actitud ariba por ehempel, e criticanan riba Ministerio Publico, y e sistema huridico na Aruba ta den un decadencia total. Y ta parce cu pa tur loke ta pasando den nan partido AVP, Dowers ta buscando un hende pa culpa, a bisa.

Mi no a spera e comportacion aki di sr. Dowers y sigur no pa a yega na un nivel asina abao pa yama Minister di Finanzas pa bestia. Cu politicamente bo gusta sra. Maduro of no, e ta un dama cu ta luchando pa pais Aruba, haciendo lo corecto den su trabou, y hibando un mensahe pa purba trece un reflexion cu ta hopi necesario den Reino, lider di Fraccion di MEP a expresa.

AVP mes na 2014 a indica cu Hulanda no a tuma e postura di 'Dominee' cu nan ta pretende di ta, awe diripiente AVP a cambia di opinion? Mientras cu Parlamentario Dowers ta opina asina y ta contra e postura di Gobierno actual, tin profesornan Europeo Hulandes manera Profesor Nicolaï, Eerste Kamer



leden sr. Hartog, sr. Crone y tambe rofesor Hoogers, cu tin e pensamiento cu locual cu Hulanda ta haciendo ta robes y nan tur ta condena e hecho con Aruba ta wordo trata den e negociacion aki di un fianza di pandemia.

"Nan di partido AVP cu a yama Hulandesnan pa verkrachters, nan di partido AVP cu a bay sinta yora bao di palo y reclama pais Hulanda, awe bo ta mira cu nan ta bin dilanti pa rasonnan politico, pa rasonnan pa scapa nan partido AVP cu ta deteriorando y bayendo abao, yama Minister di Finanzas pa bestia y bagatalisa e discurso cu el a hiba como cos di bestia", e Parlamentario di Fraccion di MEP a indica. Wereld op zijn kop.

Finalmente, Tevreden a declara cu e nivel aki nos no tin cu sigi cu ne na pais Aruba. Mester percura pa cambio di inmediato y nos di Partido MEP ta exigi un disculpa publico di Sr. Dowers na Minister di Finanzas como persona, como dama politico. Los di bo ideologia y pensamentonan contrario como politico, bo ta tratando aki cu un persona, y den e rol como parlamentario bo no por yega na e nivel eynan pa yama e señora aki como bestia. Sr. Dowers tin di tuma esaki na serio, pasobra pueblo mes por mira y scucha kico e a declara publicamente y condena e mentalidad, actitud y arogancia aki cu ta biba cerca e politiconan di AVP.

SR. CLARET LOPEZ A RICIBI RECONOCIMIENTO DI BALUARTE DEPORTIVO DURANTE E EVENTO DI GALA DI PREMIO EXCELENCIA DEN DEPORTE

ORANJESTAD: Diabierna anochi, durante Premio Excelencia den Deporte a reconoce e atletanan cu mas a destaca durante aña 2022. Tambe a rindi homenahe na nos baluartenan deportivo cu a contribui gran parti di nan bida na e desaroyo di deporte di Pais Aruba. Minister Endy Croes a haci entrega di e plakkaat na Sr. Claret Lopez.

Un poco di e trayecto di Sr. Claret Lopez:

Claret su amor pa e deporte di baseball ta bini di su kerida mama, kende tabata hunga softball pa e ekipo di La Portaña. Sr. Lopez a hunga baseball den Little League pa Oso Grape y a titula sub campeon. Tambe Sr. Lopez tabata forma parti di

seleccion di Little League, Señor League y baseball AA. Adicionalmente, Sr. Lopez a hunga pa seleccion hubenil di Aruba den e torneo Cuatricentenario di Caracas. Claret a hunga baseball na Hulanda y a ser invita pa pitcha contra e team campeon di division 1 na Hulanda. Claret a hunga softball pa Aruba Jrs y a titula "champion pitcher".

Baseball:

Den e disciplina di baseball Sr. Lopez a fungi como dirigente y organisa e unico "All Star game" den baseball AA.

Korfbal:

Den e disciplina di korfbal Sr. Lopez tabata dirigente di e team di BIONIC, caminda cu el a organisa un

encuentro entre seleccion di pariba di brug contra pabao di brug combina cu un 10KM recorrido di bicicleta cu a hala hopi atencion.

Sr. Claret Lopez a forma parti di e reorganizacion di COA. Tambe, Sr. Lopez a forma parti di e formacion di FFD. Sr. Lopez a fungi como PR den campeonato internacional di baseball hubenil na Aruba y tabata MC na diferente ocasion deportivo. Ademas di esaki, Sr. Lopez a nara partidonan di baseball na radio pa hopi aña.

Transmision di futbol: Sr. Lopez a atende dos les di referee: un duna pa Sr. Porois Tromp y uno door di FIFA pa siña e reglamentonan di futbol.



Television:

Sr. Lopez a cuminsa cu un programa deportivo na TeleAruba cu ta hiba e nomber Papia Deporte cu tabata gosa di un sintonia grandi. Despues a continua cu su carera na ATV y aki a cuminsa cu programa Time Out cu te awe ta existi. Sr. Lopez a anima

e transmision di baseball di grandes ligas cu a bira sumamente popular.

Pa conclui, Minister Endy Croes ta felicita Sr. Claret Lopez cu su reconocimiento bon mereci, alabes ta gradicie pa contribui den e desaroyo di deporte di Pais Aruba.

MINISTER ENDY CROES TA FELICITA SRA. RUBIA RAS CU SU RECONOCIMIENTO COMO BALUARTE DEPORTIVO DI PREMIO EXCELENCIA DEN DEPORTE

Sra. Rubia Ruthsella Ras tabata un di e balaurtenan cu a honra siman pasa diabierna durante Premio Excelencia den Deporte 2022. Parlamentario Raymond Kamperveen a haci entrega di un reconocimiento na Sra. Ras pa su gran trayectoria y pa aporta grandemente den e deporte di Aruba. Sra. Ras a cuminsa hunga softball cu e edad di 10 aña. Desde inicio Sra. Ras a hunga pa un solo team, pero bou di diferente nomber: Love

Birds, Toshiba Caribbean Village, Nevada y Koolaid. Na Aña 1976 Sra. Ras a forma parti di Seleccion di Antias como shortstop na Mexico y na aña 1978 Sra. Ras a forma parti di e team di Hoofdklas na Diemen, Hulanda como shortstop y picher.

Sra. Ras a biaha varios parti cu Seleccion di Antias y despues Seleccion di Aruba, entre otro, Venezuela, Mexico, Colombia, Merca y

Hulanda, unda cu Sra. Ras a marca historia pa Pais Aruba. Te cu awo, Sra. Ras tin mas cu 600 wega picha y semper cu bon resultado. Na Mundial di 1989 na Merca, Sra. Ras a bolbe hisa e nomber di Aruba den halto cu un record inolvidabel pa Aruba, caminda Aruba ta gana 6-3 contra Indonesia y despues Aruba ta gana Argentina 3-2. Banda di esaki, Sra. Ras tabata yuda como scorer, umpire y coach y a dedica hopi tempo pa yuda



otro muchanan practica y desaroya den e deporte di softball. Ademas di softball, Sra. Ras tabata practica e deporte di futbol y basketball. Finalmente, Minister Endy Croes ta

felicita Sra. Rubia Ras pa su gran trayectoria y ta gradicie pa aporta di gran forma den e deporte di Aruba. Aruba ta orguyoso di bo Rubia!

Parlamentario Darlaine Guedez-Erasmus (MEP):

LUNA DI NOVEMBER TA PONE HOPI ENFASIS RIBA PROGRAMANAN PA MATRIMONIO STABIEL



Aruba 16 November 2023: Na luna di september e aña aki, e Comision Vision Pedagogico a organisa pa prome biaha, un congreso special pa pareha yama "Cende e Chispa di bo Relacion".

E congreso aki ta pa parehanan por bini hunto pa haya hermentnan caminda nan por uza pa asina sa con pa actua diariamente y asina por surpasa e retonan aki di un miho forma, asina Parlamentario di Fraccion di MEP, Darlaine Guedez-Erasmus a trece dilanti. Aruba ta un di e paisnan den e top mundial cu mas caso di divorcio. Separacion ta pone tur cos cambia den un hogar. E inseguridad, parti financiero, custumbernan, tempo di calidad, structura. E cambio aki ta di hopi impacto riba e pareha cu ta separa, pero sigur riba e yiunan cu tin cu deal cu e situacion aki.

Pa mantene e famia uni, sigur mester traha primordialmente riba relacionnan sano. Uno sigur cu ta tende semper ta e comunicacion den pareha y cu parehanan por biba den amor, paz y

union. Sigur cu esaki ta di bon refleho riba nan yiunan tambe. Un hogar cu su fundeshi fuerte ta lanta yiunan fuerte pa participa den nos comunidad, a remarca.

Den luna di november tabata tin diferente programa pa parehanan. Dia 2 di november 2023 den e bario di Noord a sigui cu e programa 'Cende E Chispa di bo relacion', cual a wordo bon atendi y cu lo sigui den e otro barionan di Aruba pa asina haci mas facil pa habitantenan por acudi.


Iglesia Vida Abundante Aruba tambe a organisa un curso "Ready to Wed" pa preparacion pa parehanan cu ta bay casa. Di cual ta hopi necesario na Aruba, pa asina relacionnan por dura pa semper. Tambe 25 november 2023, Hesus Biña Nobo lo tin nan Conferencia 'Bulletproof Marriage' cu ya ta conoci cu tur aña e ta wordo organisa. Sigur un bunita conferencia y cu ta duna bon fruto, Guedez-Erasmus a remarca. "Mi ta contento di mira cu e organisacionnan ta pone hopi atencion na duna hermentnan pa asina matrimonionan por keda funciona bon.

Programanan asina sigur lo ta di gran aporte pa nos sociedad. Unda nos por mira cu mama y tata ta keda hunto y esey ta nifica cu famianan ta

keda feliz hunto y stima otro. Asina nos ta sigur cu nos generacion ta keda kere den matrimonio",

Parlamentario Darlaine Guedez-Erasmus a finalisa bisando. Mi persona kier motiva parehanan pa asisti

na e programnanan aki, paso nan ta bon pa abo y bo persona pero tambe pa e comunidad di Aruba.



Banco di Caribe is a local commercial bank with more than 40 years of experience in providing financial services to its trusted customers. Next to our Head Office and Branches in Curaçao, the bank also operates in Bonaire and St. Maarten. We are currently looking for suitable candidates for the following position:

RISK MANAGER

(Located in Aruba)

As a Risk Manager, you will be at the forefront of ensuring the stability and security of our financial operations. If you are a dedicated professional with a keen eye for risk assessment and a passion for ensuring compliance, we want to hear from you.

Main responsibilities:

- Risk Assessment: Evaluate potential risks and develop strategies to mitigate them effectively.
- Compliance: Ensure adherence to regulatory requirements and industry standards.
- Strategic Planning: Contribute to the development and implementation of risk management policies.
- Collaboration: Work closely with cross-functional teams to identify and address potential risks.
- Reporting: Provide detailed and insightful risk reports to senior management.

Job requirements:

- Master's / Bachelor's degree in either Finance, Accountancy, Law or a related field.
- Proven experience in risk management within the banking or financial sector.
- Strong analytical and problem-solving skills.
- In-depth knowledge of banking regulations and industry best practices.
- Excellent communication and leadership abilities.

At Banco di Caribe we offer more than just a job; we provide a platform for your professional growth and success. **Joining us means:**

- Career Advancement: Opportunities for skill enhancement and career progression.
- Team Collaboration: A supportive and collaborative work environment.
- Community Focus: Contribute to the well-being of our local community through responsible banking practices.

Selected candidates will receive an attractive compensation and benefit package. Interested candidates are invited to submit their resume and application letter before November 30, 2023 to Banco di Caribe (Aruba) N.V.

Please address your application to:
Human Resources Department, Mrs. S. Werleman- Hart
E-mail: hrm_aaa@bancodicaribe.com

Your application will be handled with the utmost confidentiality.



BANCO DI CARIBE

Hues no ta haya e chofer culpable di a causa morto di e victima

CHAUFFEUR CU A DAL MUCHA MATA CU AUTO

CONDENA NA TRABAO PA COMUNIDAD

Awe mainta e homber J.K.(32) a presenta den sala di Corte pa scucha su sentencia den e caso penal cu Ministerio Publico a cuminsa contra dje, caminda Fiscal ta hay'e culpabel cu a dal un mucha mata cu auto banda di Euro Kitchen. SOLO DI PUEBLO por a compronde cu Hues no ta haya J.K. culpabel di a ocasiona e accidente. Hues a declara J.K. liber pero a conden'e pa a dal e mucha mata.

MAMA A PORDONA CHAUFFEUR

Den edificio di Corte a sosode algo cu masha poco ta sosode y a conmove tur cu tabata presente. Ta asina cu e mama di e victima, un dama masha humilde, a yega den e seccion di espera di sala di Corte y a puntra J.K. si e por papia cun'e. E abogado di J.K., mr. Carlo tabata para dilanti J.K. kende ta sinta. E abogado a bisa J.K. pa bay pero el a keda mira kico lo pasa. Por a nota cu J.K. tabata hopi nervioso y a bay para dilanti e señora. E señora a bisa J.K. cu e no mester tin miedo pasobra e no ta bay haci'e nada. El a pidi J.K. pa dun'e su mannan. J.K. tabata duda hopi y e señora a coy su mannan tene y a bisa J.K., mi ta pordona bo. Bo no tin culpa di loke a sosode. Ta Dios su voluntad. E señora a keda mira J.K. pa un rato. Por a mira cu e palabranan aki a conmove tur hende presente. Despues di un rato J.K. a bay sinta bek y por a nota cu e palabranan di e señora a afect'e. Su wowonan tabata na awa y

por a nota cu e no tabata sinti bon. A bisa J.K. cu algo masha grandi a caba di sosode. No ta normal cu un mama ta pordona un persona cu a mata su yiu cu auto. Tabata hopi bunita pa mira con e señora a haci tur esaki.

NO CULPABEL DI CAUSA MORTO

Den sala di Corte, e mama di e victima a bay sinta te dilanti, un stoel na banda di J.K., mientras cu e traductor a sinta mey mey pa asina pro traduci pa ambos na Papiamento kico e Hues Hulandes ta bisa. Hues a bisa cu J.K. ta wordo acusa di a causa e accidente caminda un hoben homber Sanchez a fayece. Hues a muestra cu Fiscal ta haya cu ta J.K. a causa accidente y abogado ta haya cu mester declara J.K. liber. Hues ta haya cu J.K. a core entre 50 y 60 km riba Kamerling Onnestraat caminda ta permiti pa core 80 km. Hues no ta haya cu J.K. mester a pone extra atencion pa hendenan cu ta cruza caminda. Tin negoshinan den cercania pero no pega cu caminda sino un poco mas leu. Hues a sigui bisa cu importante ta tambe cu ta e victima a cruza caminda. E lamentable accidente aki a sosode anochi riba Kamerling Onnestraat, banda di e cruzada net despues di Euro Kitchen. E mucha a bay cruza caminda sin paga tino y e chofer J.K. a dal e mucha mata cu auto.

Hues ta conclui cu J.K. a viola un regla di trafico y esey no ta suficiente pa culpa J.K. di

a causa di accidente fatal. Hues a declara J.K. liber di a causa morto di e mucha.

NO POR BISA CU TA GLASNAN GETINT


Hues den su sentencia, tambe a duna su opinion riba e cuestionamento di Fiscal cu J.K. tabata core auto cu glasnan getint. Hues a bisa cu e pregunta ta si realmente e glasnan getint a contribui na e accidente aki. Na opinion di Hues, no por conclui esey. Lo mester haci mas investigacion pa determina si e coremento di auto cu glasnan getint, a yuda causa e accidente.

SENTENCIA


Hues ta conclui cu J.K. a viola un regla di trafico y esey no ta suficiente pa culpa J.K. di a causa e accidente fatal. Hues a declara J.K. liber di a causa morto di e mucha Sanchez.

Hues a bisa cu e ta haya J.K. culpable di e acusacion subsidiario esta di a core y dal e mucha mata. Hues a sigui bisa cu esey ta haci cu e castigo exige cu Fiscal a exige, no ta valido. Hues a condena J.K. na 30 ora di trabao pa comunidad y si no cumpli cu esaki, e lo mester bay 15 dia sera. Hues tambe a condena J.K. pa paga daño per huicio. Di e demanda cu e mama a presenta, Hues a honbra 8710 florin cu J.K. mester paga. Hues a bisa cu e resto di demanda ta mucho complica pa atende den un caso penal. E ta declara esey no admisibel y e señora mama lo por cuminsa un caso civil si e ta desea. Hues tambe a ordena pa debilbe J.K. su auto bek.

ACCIDENTE CU DECLARACIONNAN CONTRADICTORIO NA ROTONDE DILANTI AIRPORT



Diaranson mainta a drenta informe di un accidente na e rotonde dilanti airport, mesora a dirigi un patruya na e sitio. Na yegada di e



patruya a bin compronde cu aki ta trata di un accidente entre un Nissan March y un Nissan Versa unda ambos declaracion ta contradictorio



pero e polis especialista di trafico a saca afor cual version ta corecto. Afortunadamente ningun hende a resulta herida.

Minister Thijsen den discurso na “Care Caribbean”:

‘MESTER DI MAS INCENTIVO PA TRECE NOS HENDENAN BEK PA REFORSA E MERCADO LABORAL’

Den Haag – ‘Nos como Aruba lo mester uni forsa, tanto gobierno y e sector priva – no solamente den e sector di cuida – pero tur sector di nos economia. Bin cu incentivo pa stimula Arubiano pa regresa nan pais. Traha na condicionnan di trabao atractivo, asina cu e persona tin un escohencia. Esey na mi aparecer ta e caminda cu nos mester tuma!’ Esaki tabata e mensahe di Minister Plenipotenciario mr. Ady Thijsen den un discurso na e bolsa “Care Caribbean” den WTC na Den Haag. Na e bolsa tabata tin diferente organisacionnan y institucionnan di e sector di salubridad di Aruba, Curaçao, St. Maarten, Boneiro, Saba y St. Eustatius. Nan presencia na “Care Caribbean” ta pa medio di informacion purba interesa y busca profesionalnan di origen Caribense den salubridad pa bin traha na e parti Caribense di Reino Hulandes.

Minister Thijsen cuminsa su discurso bisando cu e ta contento cu e iniciativa aki pa duna atencion na e sector di cuida y bienestar general na e islanan. En especial cu e proposito pa motiva Arubianonan pa regresa Aruba pa traha den e sector di salubridad. ‘Pakico esaki ta hopi importante? Pasobra e cantidad di personan na Aruba cu

ta bandona e mercado laboral (vergrijzing) ta aumentando. Den futuro lo mester di hopi mas profesionalnan pa duna e cuida nesesario. Esaki riba su mes ta un razon legitimo pa duna atencion na dje,’ asina minister Thijsen a bisa.

E mandatario a sigi bisa cu pa motibo di e “vergrijzing” Aruba lo mester di miles di hende pa haci e trabao di esnan cu ta baha cu pensioen. ‘Ta wordo calcula cu Aruba den un futuro no mucho leu lo mester di 20 mil trahador pa mantene e nivel di crecimiento economico actual. E combinacion di e “vergrijzing” y e indice di natalicio abou, loke ta wordo indica como crecimiento natural, pa haci cu hopi di e trahadornan aki lo mester bin di afor di Aruba. Ki consecuencia esaki por tin pa un pais chikito manera Aruba, nos por a mira den añanan 90, door di e boost di turismo. E poblacion di Aruba a crece di 60 mil na 1986 ora cu Aruba a haya su Status Aparte na 110 mil awor. Importa trahador for di exterior ta trece tambe cierto riesgo cune. Segun e tratado di Europa pa Derechonan Humano (EVRM), e trahador despues di tres aña trahando na Aruba tin derecho pa manda busca su famia. Si nos por multiplica e cifra di 20 mil cu factor 3, nos ta yega na un cantidad di 60 mil



habitante. Esaki lo pone un presion enorme riba e facilidadnan manera: vivienda, scol y bo infraestructura,’ segun sr. Thijsen.

‘Esaki ta e motibo cu mi ta boga pa nos hendenan regresa nan pais. No ta un tarea facil. Aruba mester compete cu condicionnan di trabao di Hulanda. Tambe hopi hoben tin un fianza di estudio na euro.

Nos como Aruba lo mester uni forsa, tanto gobierno y e sector priva – no solamente den e sector di cuida – pero tur sector di nos economia. Bin cu incentivo pa stimula Arubiano pa regresa nan pais. Traha na condicionnan di trabao atractivo, asina cu e persona tin un escohencia. Esey na mi aparecer ta e caminda cu nos mester tuma!’ segun Minister Thijsen den su discurso.

Finalmente Minister Thijsen a haci un apelacion riba e sector di cuida di Aruba pa haci mas uso di iniciativanan, manera “Care Caribbean” pa yega na personal bon cualifica, cu experiencia y cu ta motiva pa duna e cuida mas bon posibel na e pueblo di Aruba.

Nota pa redaccion: E potretnan ta cortesía di Arubahuis

JPB Services:

Ta buska: Pool attendant, pa drenta den servicio dibiaha

Pasa cu bo rijbewijs na nos oficina na Jaburibari 1-D, Paradera.



of jama 592-9227 /583-7401



Prome Minister Evelyn Wever-Croes: Colegio Laura Wernet Paskel ta otro scol ganador E PROYECTO DI INNOVACION DI EDUTECH TA HACIENDO UN DIFERENCIA GRANDI DEN ENSEÑANSA



Diahuebs mainta, Prome Minister Evelyn Wever-Croes a bishita Colegio Laura Wernet Paskel, pa asina mira con e inversionnan di e proyecto cu nan a gana di Edutech ta wordo uza. Prome Minister a expresa di a keda sumamente impresiona di mira con e muchanan di zesde klas ta haci uzo di e 25 chromebooksnan cu nan a haya. Ya caba nan a logra haci nan prome spreekbeurt riba topiconan

hopi interesante, na unda cu nan mes a prepare, y a busca e informacion cu nan tabata tin mester. Esaki sigur ta un muestra cu e materialnan aki ta duna nan e posibilidad pa nan sigui traha riba loke ta interesa nan.

Tambe, Prome Minister tabata tin e oportunidad di bishita e muchanan di derde klas, y a mira e entusiasmo di cada un di nan, y di nan docente, pa

traha cu e 25 tabletsnan cu nan a gana. Sigur un sentimento di satisfacion pa wak cu e proyecto aki ta dunando su fruto pa loke ta educacion di e muchanan. Por ultimo, Prome Minister tambe a aprecia, con e muchanan di eerste, tweede, y Prisma Klas, ta traha cu e 4 digiboardsnan cu nan a haya. E entusiasmo di e muchanan pa haya les, y di e docentenan pa duna les ta grandi, y ta algo cu Gobierno lo desea di wak den tur scol.

Prome Minister ta felicita cabezante di scol, juffrouw Eta Geerman y ful e staff di Colegio Laura Wernet Paskel pa tur loke nan a haci, pa mehora tur loke nan por a mehora, na infraestructura y digitalisacion. Pero lo mas principal ta di wak con contento, entusiasmo y agradecido e muchanan ta cu e materialnan nobo aki.

Na su turno, cabezante di scol, juffrouw Eta Geerman a expresa di ta contento cu e bishita di Prome Minister, pa asina por mustre tur loke e scol




a haya, y con importante e materialnan aki ta pa enseñansa. Tambe el a gradici Futura, pa bin cu un proyecto asina importante, dunando posibilidad na e scolnan pa haya e materialnan digital cu nan mester. El a splica cu e materialnan aki, tin e muchanan mas motiva, y pa e docentenan, nan ta haci e dunamento di les mas placentero. Tambe el a indica cu e satisfacion pa wak e muchanan asina

ta grandi, y cu nan ta contento di por muestra Prome Minister y Futura, con bon nan ta uza tur loke nan a haya. Juffrouw Eta ta gradici Gobierno di Aruba, y Futura, y ta spera cu e proyecto aki sigui pa hopi aña mas, pa asina por yuda mas scol. Tambe e ta conseha tur scol pa inverti nan tempo den e proyecto aki pa asina nan tambe por haya e materialnan necesario, elevando asina e nivel di duna y haya les

POLIS A CORE CU PAREHA ADICTO AMBULANTE CU TABATA OCUPA DEN LOKET DI A.T.M. DI C.M.B. DEN ORANAN DI MADRUGA

Diaranson madrugada durante patruya den centro di ciudad polisnan atento di distrito 1 (Oranjestad) a haya un adicto ambulante femenino y un otro masculino bezig den e loket di

A.T.M. di C.M.B. den Caya G.F. "Betico" Croes, mesora nan a para e patruya y a baha stopnan di locual nan tabata haci eyden y a saca ambos for di den e loket y core cu nan for di e sitio.



MINISTER ENDY CROES A REUNI CU STAF DI UNIVERSITY OF MARYLAND, BALTIMORE COUNTY NA MERCA PA BUSCA OPORTUNIDADNAN NOBO PA NOS STUDIANTENAN LOCAL

Habriendo porta pa nos studiantenan di Aruba



E biahe di trabou di Minister Endy Croes a continua diaranson mainta, unda cu e dignatario a haci un bishita oficial na University of Maryland Baltimore County (UMBC), Merca. Parti mainta, Mandatario di Enseñansa acompaña pa Minister Plenipotenciario Sra. Joselin Croes y directora di Colegio EPI Sra. Ankie Danker a reuni cu e staf y dr. Antonio Moreira di UMBC University. Durante e encuentro aki a trata, entre otro, e posibilidadnan pa “In-state tuition”, colaboracion di programa di intercambio pa alumno y docente y programa di investigacion riba temanan di interes pa Aruba. Mester agrega

cu UMBC University tin un programa atletico hopi amplio den e prome division.

Tambe, ta explorando e posibilidad pa nos studiantenan haci nan “Associate Degree” na Aruba via Colegio EPI y despues por continua na e UMBC University pa den 2 aña obtene nan “Bachelor’s Degree”. E conocido sistema 2+2. Adicionalmente, Minister Endy Croes a informa cu a yega na un acuerdo cu Montgomery College, unda cu EPI den futuro ta bay duna un “Associate Degree” cuminsando cu ICT. Como cu UMBC University tin un acuerdo cu Montgomery College, ta facilita e trabou pa


por logra esaki. Despues di e encuentro ameno, Minister Endy Croes a haci un recorrido di e campus y universidad cu ta number un (1) den diferente tecnologia na Merca. Pues, pronto den e prome kwartaal di aña 2024 lo anucia e avance di loke cu a logra, den cual sigur lo habri posibilidadnan nobo pa nos studiantenan. Sr. Antonio Moreira, kende ta “Vice Provost for Academic Affairs” di UMBC University a indica cu e universidad ta relitativamente nobo y a wordo funda na aña 1966. Actualmente, nan tin alrededor di 14 mil estudiante, 11 mil “undergraduate” y mas di 3 mil estudiante di Masters y PhD. UMBC University ta enfoca den programanan cu ta clave pa e pais y necesario mundialmente, den area di ciencia y ingenieria, tecnologia, medio ambiente y atencion medico.

UMBC University ta prepara su studiantenan pa ta ciudadano competente y pa marca un diferencia mientras cu nan ta eherciando nan estudio eyan. Sr. Moreira a expresa cu nan ta contento di ricibi bishita di Minister Endy Croes, Minister Plenipotenciario na Washington D.C. Sra. Joselin Croes y directora general di Colegio EPI Sra. Ankie Danker. Durante e reunion nan a dialoga



tocante intercambio di estudiante di Universidad di Aruba y UMBC University, buscando pa desaroya programa cu por contribui den e areanan unda tin necesidad. Sr. Moreira a indica cu tin diferente programa cu lo ta beneficioso pa tanto Aruba, como UMBC University y ta contento di por traha den colaboracion cu Aruba y hunto marca un diferencia den e region y mundo.

Pa conclui, Minister Endy Croes a expresa cu e ta hopi contento y pronto e colaboracion y cooperacion cu UMBC University lo ta concretisa a traves di un MoU. “Nos ta sigui traha cu amor y pasion pa crea oportunidad di estudio na nos studiantenan local y



pa Pais Aruba, habriendo porta pa nos studiantenan di Aruba”, Minister Endy Croes a indica.

FORTALEZA PA FAMIA

Scirbi pa Pastor Marcel Balootje.

HENDE MUHER TA, Y TA KEDA, E JOYA DI CREACION DI DIOS

Den e buki di Genesis capitulo 2:18 ta para scirbi: E ora ey Dios a bisa, no ta bon pa e homber ta so,lo Mi traha un yudado cu ta pas cune.

Asina ta para scirbi den Genesis 2: 21 : Señor a haci e homber pega soño profundo.

Y e a drumi, e ora ey E a tuma un di su ribchinan y a sera e carni na e luga ey.

Señor Dios a traha un muhe cu e ribchi cu E a tuma for di e homber y e a hibe pa e homber.

Y e homber a bisa esaki ta awor weso di mi wesonan y carni di mi carni,e lo wordo yama Muher pasobra e a wordo tuma for di un Homber.

E obra maestra aki ta Dios so por a hacie.

Hende muher a wordo forma cu exelencia den man di Dios Todopoderoso.

Si no tabatin muher na mundo , mundo lo no tabatin poblacion.

Ta pa motibo di hende muher poblacion di mundo no por stop di crece, pasobra cada biaha cu un muher tene un relacion cu un homber, esey ta nifica cu un ser humano mas a bin aserca.

Ni maske kico hende haci , cualkier cambio cu un hende kier haci na su curpa, ta imposibel pa yega na e altura di e creacion exelente di Dios cu yama muher.

E formacion di un hende



muher ta unico, E ta crea pa multiplica, Su organonan den su curpa ta unico y nan no por wordo reemplasa, Su fisico ta diferente for di esun di un homber, Su actitud ta diferente for di esun di hende homber, Su resistencia ta diferente for di esun di hende homber. Tur esey ta Dios a pone den e curpa di un hende muhe.

Bijbel ta papia di muhernan cu a marca historia den obediencia na Dios, muhernan cu a kere, para firme y sirbi Dios. Muher ta mama di nos tur, pasobra tur ser humano tin un mama cual ta un hende muher. Muher ta mama di nos Salvador Cristo Hesus. Muher ta e ayudante di e homber. Muher ta un pilar social reconoce riba henter mundo. Muher ta un fuente di comunicacion. Muher ta un simbolo di beyesa. Muher ta un pilar di educacion.

Ningun homber no por bira muher, tampoco ningun muher por bira homber pasobra aunke nan purba cambia nan curpa, nan mente y nan

curazon no ta cambia. Y hasta den sanger di hende por wordo nota si e ta homber of muher ,pasobra locual Dios a crea hende no por cambia.

Mundialmente ta muestra cu hopi hende cu a wordo engaña door di e enemigo, pa haci cambio na nan curpa, y asina demostra cu nan no kier ta, locual Dios a crea nan, a cay den alcohol, droga, amargura, pasobra nan a bin realisa cu nan cambio ta superficial y tin hasta a yega na suicidio, pa motibo di soledad. Esun cu haña un esposa ta haña algo bon, y ta ricibi fabor di Señor.(Proverbionan 18:22)

Hende muher ta crea pa somete su mes na un homber, pasobra solamente un muher por haci un homber bira tata, y solamente un homber por haci un muher bira mama. Laga den cada matrimonio e muher wordo stima, y respeta como esposa y como mama, pasobra esey ta boluntad di Dios pa tur matrimonio.

E diabel ta un copiado baho y barata, y mas cu tur cos un gran mentiroso.

Pero nos Dios a crea homber y muher pa semper nan keda homber y muher.

ORACION DI DIA



Un feliz dia yena di bendicion y hopi fe y speransa den nos Bon Dios

.....Reino di Dios ta meymey di boso! (Lucas 17,21)
E mesun pregunta ey nos tambe ta haci Hesus y awor nos ta haya e contesta y Hesus ta papia berdad, anto ta dicon e Mundo aki t'asina?
Ruman nos ta anda segun sabiduria di Mundo y ta kere cu nos ta den control.

Den e Lectura Hesus ta siña nos kico ta Sabiduria y con

Sabiduria ta move meymey di nos y di ki manera Sabiduria ta y por actua den nos bida! Nos mester probecha di E Sabiduria sigur sigur, pero nos mester di un bon grado di humildad y sinceridad cu nos Hesus y nos mes.

Paso den un curason humilde Sabiduria ta penetra y ta haci cosnan grandi cu nos no por ni imagina.
Ruman e Salmo ta corda nos cu Hesus ta controla tur cos y pega na Hesus semper nos lo tin Victoria!

Oracion: Mi Hesus, Sabiduria un Palabra cu ta yena nos cu speransa, yuda mi humiya mi mes mas y mas cada dia pa asina Sabiduria por haci Su Trabao den mi bida y mi biba.
Amen.



		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Partido MEP:

Durante encuentro 'BAN TOPA' na Club Don Bosco na Noord

UN BUNITA POESIA A WORDO DEDICA NA LIDER DI MEP

Den palabranan inspirativo, señora Emira Rodriguez-Tromp a describi maneho di Evelyn Wever-Croes durante e pandemia



E encuentro di Partido MEP 'BAN TOPA', dia 9 di November na Club Don Bosco na Noord, a haya un acohida grandi pa no solamente ciudadanonan di distrito Noord pero di otro districtonan di Aruba na unda nan a trece nan preocupacionnan, ideanan, sugerencianan y sin laga afo, nan criticanan constructivo.

Partido MEP a wordo ricibi na e distrito Noord cu hopi entusiasmo y gratitud pa e esfuersonan incansabel di Gobierno di Aruba pa recuperacion di nos pais despues di un temporada hopi dificil causa pa e pandemia. Esaki sigur ta tambe e resultado di union di nos pueblo pa un meta comun. E retonan cu a bin cu e pandemia a exigi resiliencia, innovacion y un compromiso di nos tur pa crea un futuro mas briyante pa nos pueblo. Hunto, guia pa un vision di speransa y progreso, nos ta logra cambianan positivo.

Esnan presente na e encuentro 'BAN TOPA' a keda satisfecho cu tur informacion brinda como tambe cu e transparencia

di Partido MEP pa duna informacionnan riba topiconan relevante.

Na e ocasion tambe, un fiel votador di MEP, señora Emira Rodriguez-Tromp, miho conoci como Juffrouw Miertje, a sorpresa Lider di MEP y nos Prome Minister Evelyn Wever-Croes cu un poeisa hopi bunita y inspirativo cu e titulo: Nos Minister President, Evelyn Wever-Croes. Den su poesia, señora Miertje a describi e cualidadnan di Lider di MEP; su amor y dedicacion pa su trabou y su pueblo; su caracter firme, sin miedo y cu curashi pa guia nos pueblo durante e pandemia; y su determinacion pa hiba nos pais dilanti y recupera di un pandemia asina devastador. Y na final di e poesia, ta gradici Minister President pa cuida Aruba durante e pandemia. Na final, esnan presente a duna Juffrouw Miertje un fuerte aplauso.

Lider di MEP a keda hopi impresiona y emociona cu e poesia asina bunita dedica na dje. Y ta gradici juffrouw Miertje pa e palabranan asina bunita expresa. Lider di MEP ta

gradici henter pueblo di Aruba pa e confiansa duna na Partido MEP y na su persona durante un temporada asina dificil pa nos tur. Covid a duna nos un proposito renoba, nos ta sigui wak dilanti cu determinacion, sabiendo cu e esfuerso di nos tur lo dirigi na un futuro marca pa resiliencia, solidaridad y perseverancia pa un miho mañan.

Encuentronan di 'BAN TOPA' lo continua den tur distrito y Partido MEP ta extende un invitacion na henter pueblo di Aruba pa asisti na e encuentronan interactivo aki cu ta un oportunidad pa conecta, siña, y hunto bin cu ideanan pa un miho futuro di nos pais. Bo participacion na 'BAN TOPA' ta encurasha nos pa

sigui cu nos mision pa un pais prospero y uni. Boso sosten ta nos forza y determinacion.

PUEBLO A HAÑA SU PEN BEK
Pa kualkier informacion
solodipueblo@gmail.com
of
585-9500



Alto-ehecutivo deteni pa core auto burachi y cu taira flat strobando trafico



Diamars anochi polis a nota un auto coriendo malo y cu un taira flat a para memeyriba e brug di lanti Renaissance, mesora polis a bay atende cun'e. A bin resulta cu e chauffeur ta bastante bao influen-

cia y a detene. Como cu e auto a keda riba caminda a solicita un takelwagen pa kita esaki for di riba e caminda. E vehiculo di transporte a hiba e chauffeur warda di polis.

Auto a pega misteriosamente na candela na Santa Cruz



Diaranson madruga a drenta informe di cu tin un candela banda di patras di e exwarda di polis na Santa Cruz, mesora a dirigi tanto polis como bombero na e sitio. Na yegada di e patruya a bin constata cu aki ta trata di un Jeep Wrangler cual e parti di lanti ta full na candela y a pidi presencia di bombero

cu urgencia na e sitio. Na yegada di e bomberonan mesora a domina y paga e candela completamente.

CONSTRUCCIÓN

ta corta yerbe hasi cura limpi presurewasher i verf welder plumbing electro metal i carpinte

5608568



Gerencia, Staff y Personal di
Aruba Ports Authority N.V. ta extende
nos mas sincero condolencia y forza na famia di
Sra. Agripina Betrandia Geerman-Kock

Mama di nos colega Juan Carlos Geerman

Cu Sra. Agripina Betrandia Geerman-Kock
sosega na Paz

MINISTER ENDY CROES A BISHITA E ULTIMO CHARLA DI MARATHON RUN THE TALK PA AÑA 2023



ORANJESTAD: Diadomingo atardi, Minister Endy Croes a bishita e charla deportivo Marathon Run the Talk 2023 organisa pa Runners Unite Aruba bou guia di Sr. Vince Solognier. Meta di e charla ta pa inspira esnan cu ta core marathon y/of ta aspira pa core un marathon. Durante e encuentro e coredonan a comparti nan experiencia, consejo, idea y plan pa aña 2024. Esaki ta e di cuater (4) encuentro y e ultimo pa aña 2023. E coredonan di distancia largo di Aruba cu a participa den e caredanan internacional, entre otro, Ab-

bott World Marathon Majors na, entre otro, Berlin, London y Chicago a celebra e echo cu nan a finalisa nan careda cu exito. Durante e sesion informativo, Minister Endy Croes tabatin e oportunidad di hiba palabra, unda el a felicita e coredonan cu nan logro y a comparti palabra di motivacion. Minister Endy Croes a gradici Runners Unite Aruba pa e invitacion y caluroso recepcion. Alabes ta desea e coredonan hopi exito den aña 2024! Cu deseo, disciplina, dedicacion y determinacion ta logra.

Casi 1 di cada 2 persona cu diabetes no sa cu nan tina

Diabetes: Sa bo riesgo, Sa kico pa haci

world diabetes day

STICHTING BLOEDBANK ARUBA

BO SANGER TA SALBA BIDA!

☎ 587 0002
f StichtingBloodbankAruba

Registra pa bira donante na www.bloedbankaruba.aw

PRONOSTICO DI TEMPO

VALIDO TE DIABIERNA 17 DI NOVEMBER 2023, 18:00 ORA

TEMPO:

AWE TARDI Y AWE NOCHI: PARCIALMENTE NUBLA CU UN AWACERO PASAJERO
DEN MARDUGA Y MAYAN: PARCIALMENTE NUBLA CU UN AWACERO PASAJERO

TE BREVE

TEMPERATURA MAXIMO 32 GRADO CELSIUS
TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y RONDDI ORANAN DI MERDIA: 33 PA 42 GRADO CELSIUS

UV INDEX: 8

SITUACION GENERAL DI TEMPO PA PROXIMO 24 ORA:

HUMEDAD DISPONIBLE DEN REGION TA POCO Y ESAKILO STROBA DESAROYO DI NUBIANAN CU POR PRODUCIAWACERO. PA E MOTIBO AKI TEMPO LO KEDA POR LO GENERAL SECO.

CONDICIONAN MARITIMO/ ESTADO DI LAMA:

NA PARTINAN PROTEJE DI COSTA: KETU, ROND DI 1 PIA. NA PARTINAN ZUID: TRANKIL TE MODERA, ENTRE 2 PA 3 PIA. NA PARTINAN OOST TE NOORDWEST DI COSTA: GENERALMENTE MODERA CU OLANAN ENTRE 5 PA 6, LOCALMENTE 7 PIA.

AVISO/ ALERTA:

TA SUGERI OPERADORANAN DI BOTO CHIKITO PA BAI CU CAUTELA NA PARTINAN OOST TE NOORDWEST DI COSTA

Parlamentario Marco Berlis (MEP) :

Kico ta ideologia di genero?-Parti I

E ideologia destructivo cu ta invadiendo nos comunidad atraves di un agenda scondi



Hopi hende no ta siguiendo e desaroyonan di e “ideologia di genero” den exterior di cerca y pesey e no ta bati un alarma den e mentenan Arubiano. Originalmente ideologia di genero tin di haber cu actitudnan den rolnan apropiada, derechonan, y responsabilidadnan di muhe y hombernan den sociedad. E concepto por refleha e actitudnan aki di un forma general of den un area specifico, manera esun economico, familiar, legal, politico of/ y un area social. Mundialmente pa miles di aña e ideologia di genero semper a drei rond di hende muhe y homber. E ideologia di genero original hopi biaha tabata enfatisa y lucha pa hende muhe haya e mesun derechonan, oportunidadnan y pago den e mundo secular y profesional.

Ideologia di genero global.

For di basta aña pasa e movimiento di Ideologia di Genero mundial aki a bin ta agresivamente promove agendanan cu ta purba na redefini e realidad di identidad di genero, e realidad di un famia tradicional, e realidad di matrimonio, e realidad kico ta un homber y un muhe, ta cuestiona e realidad biologico, di ciencia y naturalmente e realidad di religion, den nos sociedad. E movimiento di “ideologia di genero” global y local actualmente ta bringando pa derechonan igual pa parehanan homosexual por casa, ta bringando scondi pa cam-

bia leynan, maneho di gobierno y educacion di nos scolnan cu lo acomoda nan agenda y un realidad nobo di bida y famia nos desconoce actualmente na nos pais. Esaki ta un realidad caba na Europa, Merca, Canada y varios paisnan mundial. E agenda aki ta conoce resistencia grandi di mayornan, di miembronan mes di LGBTQ+, gobiernonan, y ciudadanonan rond mundo cu no ta acepta pa nan tradicionnan, famia y yiunan wordo indoctrina y afecta pa esnan cu kier redefini nan cultura.

Con LGBTQ+ di Merca ta splica identidad di genero riba nan website

Riba e website nan ta splica cu identidad di genero ta basa riba loke bo ta “sinti” y no pasobra bo a nace cu cierto tipo di organo sexual. E realidad gay no ta algo nobo y ta wordo acepta den nos sociedad. E problema cu e lista di “generonan” ta cu actualmente tin un cantidad sin limite di identidadnan di genero.

Kico cu abo sinti bo kier ta, bo por ta. Tin website di esnan pro e ideologia di genero aki ta menciona mas di 100 genero cu bo por identifica cu ne.

Pa ilustra e confusion grandi cu nan miembronan ta acapara cu ne, por ser mira den e cantidad creciente y identidadnan sin limite cu ta existi tur rond di mundo. Identidad di genero ta mas bien enfatisa con abo ta “expresa bo mes, relata na bo curpa y kier wordo percibi.” E problema ta awor cu hende tambe a cuminsa identifica como cacho y ta bisti disfras di cacho, ta biba den nan cas den un cas di cacho, comiendo cumind’I cacho y ta blaf. Asina bo ta haya hende cu ta identifica como cabay, pushi, entre otro. Ta na unda e cos aki ta caba?

Agenda di ideologia di genero ta visibel

Desiree Croes a splica den prensa

durante di e “Diversity Walk” cu nan ta bezig ta preparando pa pronto tin e derecho pa cambia bo “acta di nacemento” si bo tabata un mucha muhe, por cambi’e pa mucha homber! Acaso e filosofia di esnan pro e ideologia aki no ta bisa cu sexo y genero ta dos cos diferente?

Awor nos por wak cu esaki no ta e caso. Ademas, a constata y ta sigui constata cu lesnan pro ideologia di genero ta keda presenta scondi na nos muchanan, sin cu mayornan ta na altura. Esaki te mesun modus operandi cu e presentacion di e “Cashi Magico” sin cu mayornan tabata na altura. E agenda aki no conoce respet pa niun tradicion, tin religion-fobia, tradicion-fobia, y ta impone su

mes si bo ta gusta of no. Nos por wak e actitud arrogante di Parlamentario Miguel Mansur con e ta sali insulta y lastra clero catholico di Aruba y Corsou sin piedad, ta lastra tur religion, denominacion, tradicion, ta insulta principionan di hende y ta defende y hustifica su actitud baho cueste loke cueste. Miguel Mansur no por soporta critica mescos cu esnan cu ta pro ideologia di genero pasobra e ora segun nan tur hende tin homofobia. Pronto mi lo sigui elabora riba e tema aki.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo Parlamentario y sirbido di pueblo na bo ordo semper!

Dialuna 20 di november FESTIVAL DI “DERECHO DI MUCHA” NA PLAYA PABAO

PLAYA PABAO – Dialuna, dia 20 di november, nos ta celebra “Dia di Mucha” na Aruba. Riba e dia aki tambe ta celebra “Dia Internacional Di Derecho Di Mucha”. Pa e motibo aki directiva di Centro di Barrio Playa Pabao ta duna reconocimiento na nos muchanan den un solo actividad na Playa Pabao. E actividad aki ta tuma lugar dialun dia 20 di november y ta cuminsa pa 3’or di merdia y lo termina pa 8’or di anochi. Nos muchanan tin oportunidad pa hunga den “waterslide”, bula riba trampolin y den dinojump, hunga den luchtkasteel, monster truck, pinta cara y participa na diferente wega. Tambe muchanan tin oportunidad pa gana un celular. Entada ta completamente gratis. Muchanan ta wordu invita pa bin cu nan trahe di baño pasobra ta

bay tin un “waterslide”. Pa 6’or lo cuminsa un ora di locura sigi pa un show “Di Mucha Pa Mucha” cu presentacion di gruponan di baile y solistanan hubenil.

E promer 200 mucha lo ricibi un recuerdo di e dia aki. Pues dialuna dia 20 di november ta celebra Dia di Mucha y ban duna nos muchanan reconocimiento riba e dia importante aki y laga nos manera un famia grandi asisti na e actividad aki cu nos muchanan na Centro di Barrio Playa Pabao. Pues mayornan nos ta warda boso y bin compaña bo yiu(nan) na e actividad aki. Lo tin un bar (sin bebida alcoholico) y un cushina cu prijsnan di dia di mucha. Tambe lo tin un expo cu e tema “e cas di mi soño” cu obranan di man traha dor di alumnonan di Colegio Bon Bini.

Exitoso Karaoke Festival organisa pa Aruba Lions Club



Diasabra 28 di October na China Club a tuma lugar un fundraising event di Aruba Lions Club unda 24 cantante masha entusiasma a subi esenario pa asina presenta nan thema musical. Un cuerpo di jurado tabata

tin un trabou dificil pa escoge e ganadornan tanto den categoria A y B. MC di anochi tabata Esmeralda Tromp y Magaly Dijkhoff Arends.

Na final di e anochi e cantante mas popular a re-

sulta di ta Nelkis Arends cu ta e participante cu a bende mas kaarchi.

Den Categoria B e resultado tabata lo siguiente
3er lugar tabata Roberto Orman
2do lugar tabata Milberto Vrolijk
1er lugar a resulta Filomena de Cuba

Den Categoria A e resultado tabata lo siguiente
3er lugar Hernan Dirksz
2do lugar Andres Molina
1er lugar Daisy Koolman

Aruba Lions Club ta gradici tur esnan cu a cumpra nan entrada paso esaki ta yuda e club sigui yuda den comunidad. Tambe danki na tur e miembronan di Aruba Li-



ons Club cu a traha e anochi aki den Cushina y Bar. y sin lubida tur e amigonan comerciante cu a yuda nos cu premionan y cu a yuda nos pa asina e karaoke Fest aki bai fenomenal.

Danki na Giovanni Boekhoudt, Click Print, Universal Technologies, ChocoGlam, Eagle Aruba Resort,

Playa Linda, La Cabana y na tur participante danki y sigur na team organisador.

Keda pendiente pa nos siguiente proyecto cu ta Hunger Relief den December y pronto nos lo anuncia nos siguiente Fundraising Event planea pa e luna di April 2024 .

GLW Foundation ta celebra e dia international di derecho di mucha cu un Drive Thru Event :

“Feed The Kids Day”

19 di November 2023 na Centro di Barrio Tanki Leendert di 10 pa 2 pm



Dia 20 di November ta e dia internacional di derecho di nos muchanan, y pesey mes GLW Foundation organisador di e concurso Miss Teen Aruba Interna-

tonan ta pasa den e parkinglot di Centro di Barrio Tanki Leendert cu e muchanan den auto, no mes-ter baha y aki e muchanan ta rici-bi nan pakete, ta importante pa

tional “mucho mas cu un certamen di beyeza” lo organisa diadomingo 19 di November un dia special cu ta yama “Feed the Kids Day”, esaki como un muestra di cariño pa nos muchanan cu ta nos futuro generacion. E aña aki ta e di 4 aña cu lo organisa e evento aki. E dia aki lo bai al estilo drive thru pues a au-

mentona cu e muchanan mes-ter ta den auto pa nan ricibi nan pakete y un maximo di 3 mucha pa auto pa asina nos por duna mas tanto mucha possible. Den e pakete cu e muchanan ta haña lo tin un pan cu hotdog, Chubby, Buskuchi Festival, Mangel. Nos kier a gradici di curason : Universal Technologies, Aruba Lions Club, Bright Bakery, Price Smart, Gift Baskets Unlimited, Satex Agencies, Sra. Lissy Lampe, Sra. Odor, Danki na Rayanne Hernandez di Cento di Barrio Tanki Leendert y na tur voluntario pa nan bunita trabou y cooperacion.

Un biaha mas nos ta invita tur e mucha pa pasa diadomingo 19 December Centro di Barrio Tanki Leendert entre 10 cu 2 pm pa asina pasa buska nan pakete completamente GRATIS.



Siman di Lantamento di Mucha y Dia Internacional di Derecho di Mucha 18 november Carnival Village



Comicion Vision Pedagogico consistiendo di diferente instancia trahando ariba tereno di lantamento di Mucha manera: Tienda di educacion, Fundacion Respetami, Fundacion pa Nos Muchanan, Wit Gele Kruis y Departamento Asunto Social conhuntamento cu Ministerio di Justicia y Asunto Social y Comicion Derechonan di mucha ta organisando pa di 6 aña e Siman di Lantamento di Mucha combina cu e Celebracion di Dia Internacional di Derecho di Mucha. Durante e siman aki tin diferente actividadnan di diferente

organisacion cu por wak mira e kalender. Nos kier duna atencion e aña na e articulo nr 31 di Derechonan di Mucha, cual ta pone enfasis ariba e derecho di muchanan pa tin tempo liber y di por tin tempo pa hunga ariba un forma recreativo. Pa medio di nos actividad nos kier stimula e hungamento sano y pafor pa tur muchanan. Nos kier hasi un invitacion na henter comunidad, vooral nos muchanan pa bin celebra:

- Diasabra 18 di November
- Carnival Village

na Sanicolas

- E orario ta di : 3or di atardi pa 7or di anochi
- Lo tin diferente actividad :
- Dino jumps, Carousel, Roulette,
- Rollerskating, Hotwheels, diferente weganan, RFacepainting
- Free popcorn, raspao y cotton candy pa tur muchanan cu jega tempran
- Lo tin show di grupo di baile Dazzling group, un grupo di kara-

te y tambe show di cacho Fluffy Paws. E actividad aki lo ta combina cu e marcha di nos muchanan, “Marcha pa nos derecho” cu lo sali 3or di atardi for di YMCA SN y lo kana den e kajananan di SN y termina na Carnival Village. Diferente instancianan di e Comicion Vision Pedagogico lo tey pa combersa y ofrece sosten na mayoranan cu cualkier pregunta ariba tereno di lantamen-

to di mucha. E kiosknan di Carnival Village lo tin nan dushi kumindanan na benta pa tur e mayornan. Nos kier gradici Cede Aruba, Departamento Asunto Social y gobierno di Aruba pa sostene e celebracion aki. Nos ta invita e comunidad en general especial nos muchanan pa bin celebra e Dia di mucha aki! Pa mas informacion pa participa por jama Centro pa Hoben y Famia na 5281200.















GLW Foundation ta presenta Curso di Pasarela cu Instructor International Hector Moreno

Esaki ta pa yudabo crea mas confiansa den bo mes

Dianan 13,14,15,18 y 19 di December 2023, GLW Foundation organisadornan di Miss Teen Aruba International y Turismo Mundial lo tin instructor di pasarela international Hector Moreno na Aruba pa asina duna algun curso di pasarela pa tur esnan interesa den tuma e curso aki. E curso aki por wordo tuma pa mucha, hoben y adulto y ta pa dama y caballero . Aparte di e curso di pasarela aki tambe lo tin Photo Pose, Comportacion Social, Modelahe Basico Y Profesional y tambe Expression Corporal, Dominio di Sapato, Bahamento di Trapi. E curso lo tin un duracion di 2 ora cada dia y lo costa 200 florin pa e curso di 5 dia aki. Durante curso lo tin refreshments y na final tur cursista lo ricibi nan certificado di participacion. Ya Sr. Moreno a duna 2 curso caba aki na Aruba y ambos exitoso. Esnan cu ta inte-



resa por Whatsapp na 561-6151 y registra pasobra lugar ta limita. E curso aki ta yudabo pa bo tin mas confiansa den bo mes y kisas conoce tambe un poco mas di e mundo di beyesa y modelahe.

<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 16 Nov 2023 Merdia</div>		
<div></div> <div>Sorteo # 4096</div> <div>2370</div> <div>3966</div> <div>2358</div> <div></div> <div>X2</div> <div></div> <div>Sorteo # 4096</div> <div>6955</div> <div></div> <div>Sorteo # 2152</div> <div>3324</div> <div></div> <div>Sorteo # 4096</div> <div>9803</div> <div>Scorpio</div> <div></div> <div>Sorteo # 970</div> <div>798</div> <div></div> <div>X2</div>	<div></div> <div>Sorteo #</div> <div>0x Jackpot</div> <div>0x Match 4+</div> <div>0x Match 4</div> <div>0x Afl. 12,00</div> <div>Joker</div> <div>Letter</div> <div>Proximo Jackpot</div> <div>110.000,-</div>	
<div></div> <div>Sorteo #</div> <div>0x Jackpot</div> <div>0x Match 4</div> <div>0x Afl. 8,00</div> <div>Proximo Jackpot</div> <div>97.000,-</div>		
<div></div> <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div> <div>Mega Ball</div> <div>Proximo Jackpot</div> <div>525.000,-</div>		
<div></div> <div>Afl. 725.000,-</div>		
<div></div> <div>Sorteo #</div>		<div></div>